

**“РҮЙХАТГА ОЛИНГАН”**  
Ўзбекистон Республикаси  
Марказий банки томонидан

2016 йил “18” апрель



**“КАПИТАЛБАНК”  
АКЦИЯДОРЛИК ТИЖОРАТ  
БАНКИННИГ  
УСТАВИ  
(янги таҳрири)**

“Капиталбанк” акциядорлик  
тижорат банки Акциядорларининг  
2016 йил 28 мартағи  
навбатдан ташқари умумий  
йиғилиши томонидан  
(1/2016-сонли баённома)

**“ТАСДИҚЛАНГАН”**

Йиғилиш раиси

Ф.Х. Отахонов

**ТОШКЕНТ – 2016**

## I. УМУМИЙ ҚОИДАЛАР

1. «Капиталбанк» акциядорлик тижорат банки (кейинчалик «банк» деб юритилади) акциядорлик жамияти шаклида фаолият кўрсатувчи кредит ташкилоти ҳисобланади.

2. Банк таъсисчилар йигилишининг (2000 йил 15 майдаги 1-сонли баённома) қарорига биноан ёпиқ акциядорлик банк шаклида ташкил қилинган. Банк акциядорлари умумий йигилишининг (2001 йил 20 декабрдаги 008/1-сонли баённома) қарорига кўра очиқ турдаги акциядорлик банки шаклида қайта ташкил қилинган.

Банк таъсисчиларининг рўйхати Уставга иловада кўрсатилган.

“Капиталбанк” хусусий очиқ акциядорлик-тижорат банки ва “Авиабанк” акциядорлик-тижорат банки акциядорларининг 2004 йил 21 декабрда бўлиб ўтган биргалиқдаги умумий йигилишининг қарорига биноан “Авиабанк” акциядорлик-тижорат банки “Капиталбанк” очиқ акциядорлик-тижорат банкига қўшиб олинган.

Топшириш далолатномасига асосан банк “Авиабанк” акциядорлик-тижорат банкининг барча ҳуқуқ ва мажбуриятлари бўйича ҳуқуқий вориси ҳисобланади.

3. Банк ўз фаолиятида Ўзбекистон Республикаси Конституцияси, Ўзбекистон Республикаси Фуқаролик кодекси ва Ўзбекистон Республикасининг “Банклар ва банк фаолияти тўғрисида”, “Ўзбекистон Республикасининг Марказий банки тўғрисида”, “Қимматли қоғозлар бозори тўғрисида”, “Акциядорлик жамиятлари ва акциядорларнинг ҳуқуқларини химоя қилиш тўғрисида”ги қонунлари ва бошқа қонунлар, Ўзбекистон Республикаси Олий Мажлиси палаталари қарорлари, Ўзбекистон Республикаси Президентининг фармон, қарор, фармойишлари, Ўзбекистон Республикаси Вазирлар Маҳкамаси қарорлари, Ўзбекистон Республикаси Марказий банкининг меъёрий хужжатлари ва бошқа қонун хужжатларига, шунингдек мазкур Уставга амал қиласди.

4. Банк Ўзбекистон Республикасининг банк тизими таркибиغا киради.

5. Банкни ташкил қилиш ва фаолиятидан мақсад - Ўзбекистон Республикаси ҳудуди ва ундан ташқарида амалдаги қонун хужжатларида тақиқланмаган банк ва молиявий фаолиятни амалга ошириш, шунингдек фойда олиш мақсадида юқорида кўрсатилган фаолият билан боғлик бўлган хизматларни кўрсатиш ҳисобланади.

6. Банкнинг тўлиқ номи:

ўзбек тилида:

кирилл ёзувида: «Капиталбанк» акциядорлик тижорат банки;

лотин ёзувида: «Kapitalbank» aksiyadorlik tijorat banki;

рус тилида: Акционерный коммерческий банк «Капиталбанк»;

инглиз тилида: Joint stock commercial bank «Kapitalbank».

Банкнинг қисқартирилган номи:

ўзбек тилида:

кирилл ёзувида: «Капиталбанк» АТБ;

лотин ёзувида: «Kapitalbank» ATB;

рус тилида: АКБ «Капиталбанк»;

инглиз тилида: JSCB «Kapitalbank».

7. Банк юридик шахс бўлиб, у ўз мустақил балансида ҳисобга олинадиган алоҳида мол-мулкка, шу жумладан ўзининг устав капиталига берилган мол-мулкка эга бўлади, ўз номидан мулкий ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

8. Банк белгиланган тартибда Ўзбекистон Республикаси худудида юридик шахс ҳуқуқини бермаган ҳолда ўз филиалларини ташкил қилишга ҳакли, қонун хужжатларида назарда тутилган ва Банк уставида белгиланган қоидалар доирасида уларга ҳуқуқлар бериши мумкин.

Филиаллар Банк кенгаши томонидан ташкил қилинади. Филиаллар давлат тилидаги ўз номи ёзилган думалоқ муҳрга, штампга ва ўз номидаги бланкаларга эга.

Филиаллар банк номидан фаолият юритадилар. Банк ўз филиаллари фаолияти учун жавобгар бўлади. Филиал бошқарувчилари банк томонидан берилган ишончнома асосида фаолият юритадилар. Банк номидан ишончнома Банк бошқаруви раиси ёки унинг вазифасини бажарувчи шахс томонидан берилади.

Филиаллар ўз фаолиятларини Банк кенгаши тасдиқлаган низом асосида амалга оширадилар.

Банк Ўзбекистон Республикаси Марказий банкининг (кейинчалик “Марказий банк” деб юритилади) рухсати билан мамлакат ташқарисида филиаллар ва ваколатхоналар очиши мумкин. Банк томонидан Ўзбекистон Республикасидан ташқарида филиалларни тузиш ва ваколатхоналарни очиш филиаллар ва ваколатхоналар турган жойдаги давлат қонунчилигига асосан амалга оширилади.

Банкнинг филиалга ва ваколатхонага бериб қўйилган мол-мулки банкнинг балансида хисобга олинади.

9. Банк маблағларининг сақланиши ҳамда омонатчилар олдидағи мажбуриятларининг бажарилиши учун, шу жумладан тўловлар бир банкдан бошқа банкка ўз вақтида ўтиши ҳамда маблағларининг корхоналар ва ташкилотлар ҳисоб-китоб варактариға киритилиши учун ўз мижозлари ва омонатчилари олдида жавобгардир.

Акциядорлар банкнинг мажбуриятлари юзасидан жавобгар бўлмайди ва унинг фаолияти билан боғлик заарларнинг ўрнини ўзларига тегишли акциялар қиймати доирасида қоплаш таваккалчилигини ўз зиммасига олади.

Акциялар ҳақининг тўлиқ тўламаган акциядорлар банк мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўладилар.

Банк ўз акциядорларининг мажбуриятлари юзасидан жавобгар бўлмайди.

Давлат ва унинг органлари банкнинг мажбуриятлари юзасидан жавобгар бўлмайди, худди шунингдек банк ҳам давлат ва унинг органларининг мажбуриятлари юзасидан жавобгар бўлмайди.

10. Банк чекланмаган муддатга таъсис этилган.

11. Банк ўз тимсолига, Ўзбекистон Республикасининг давлат тилидаги тўлиқ фирма номи ва тимсоли тасвири туширилган думалоқ муҳрига эга.

Банкнинг юридик ва почта манзиллари: 100047, Ўзбекистон Республикаси, Тошкент шаҳри, Юнусобод тумани Сайилгоҳ қўчаси 7.

E-mail: [info@kapitalbank.uz](mailto:info@kapitalbank.uz).

Веб сайт: [www.kapitalbank.uz](http://www.kapitalbank.uz).

## II. БАНК ОПЕРАЦИЯЛАРИ

12. Банк ўз фаолиятида қўйидаги банк операцияларини амалга оширади:

жисмоний ва юридик шахсларнинг, шу жумладан, вакил банкларнинг ҳисобваракларини очиш ва юритиш, ҳисобвараклар бўйича ҳисоб-китоб қилиш; омонатларни жалб этиш;

кредитларнинг қайтарилиши, фоизлилиги ва муддатлилиги шарти билан ўз маблағлари ва жалб этилган маблағлар ҳисобидан ўз номидан кредитлар бериш;

маблағ эгаси ёки маблағни тасарруф этувчи билан тузилган шартномага биноан пул маблағларини бошқариш;

чет эл валютасини нақд пул ва нақд бўлмаган пул шаклларида юридик ҳамда жисмоний шахслардан сотиб олиш ва уларга сотиш;

пул маблағлари, векселлар, тўлов ва ҳисоб-китоб ҳужжатларини инкассо қилиш;

учинчи шахслар номидан мажбуриятларнинг бажарилишини назарда тутувчи кафолатлар бериш;

учинчи шахслардан мажбуриятларнинг бажарилишини талаб қилиш ҳуқуқини олиш;

қимматли қофозлар чиқариш, харид қилиш, сотиш, ҳисобини юритиш ва уларни саклаш, мижоз билан тузилган шартномага биноан қимматли қофозларни бошқариш, қимматли қофозлар билан бошқа операцияларни бажариш;

банк фаолияти юзасидан маслаҳат ва ахборот хизмати кўрсатиш;

жисмоний ва юридик шахсларга ҳужжатлар ва бошқа бойликларни саклаш учун маҳсус бинолар ёки улар ичидаги пўлат сандиқларни ижарага бериш;

молиявий лизинг;

халқаро банк амалиётига мувофиқ, лицензияда маҳсус кўрсатилган банк амалиётлари билан боғлиқ бошқа операциялар.

13. Банк бевосита ишлаб чиқариш, савдо ва суғурта фаолияти билан шуғулланишга ҳақли эмас, қонун ҳужжатларида назарда тутилган ҳоллар бундан мустасно.

14. Банк ўз фаолиятини Марказий банк томонидан бериладиган лицензия асосида амалга оширади.

15. Банк аҳоли, корхоналар, ташкилотлар, кредит ва молия институтлари шу жумладан норезидентларнинг бўш турган пул маблағларини жалб қиласди ва уларни талаб қилиб олгунча сақланадиган депозит ҳисобваракларида, омонат, муддатли депозит ҳисобваракларида, шунингдек бошқа турдаги депозит ҳисобвараклари ва мажбурият ҳисобваракларида сақлайди.

16. Банк корхоналар, бирлашмалар, ташкилотлар, муассасалар ва фуқароларга кредитнинг муддатлилик, қайтаришлик, таъминланганлик, мақсадлилик ва фоизлилик принциплари асосида сўмда ёки чет эл валютасида кредитлашни амалга оширади.

Банк томонидан бериладиган кредитлар, қоида тарикасида, амалдаги қонун ҳужжатларига мувофиқ ундириш мумкин бўлган мол-мулк гарови, шунингдек кафолатлар, кафилликлар, банк тажрибасида қабул қилинган бошқа шакллардаги мажбуриятлар билан таъминланади. Банк бу кафолатлар, кафилликлар, мажбуриятларнинг етарлилигини ўз кредит сиёсати ҳамда Марказий банк қоида ва тавсияларини ҳисобга олган ҳолда белгилайди.

17. Марказий банк томонидан берилган чет эл валютасидаги операцияларни амалга ошириш учун лицензия мавжуд бўлганида, банк мазкур лицензия асосида Марказий банк томонидан белгиланган қоидаларга мувофиқ чет эл валютасида операцияларни амалга оширишга ҳақлидир.

18. Банк Ўзбекистон Республикасининг қонун ҳужжатларида назарда тутилган тартибда қимматли қофозлар бозорида профессионал фаолиятни амалга ошириши мумкин.

### **III. БАНКНИНГ УСТАВ КАПИТАЛИ**

19. Банкнинг устав капитали акциядорлар олган банк акцияларининг номинал қийматидан ташкил топиб, Ўзбекистон Республикасининг миллий валютасида ифодаланади ва ўз кредиторлари манфаатларини кафолатлайдиган банк мол-мулкининг энг кам миқдорини белгилайди.

20. Банк оддий акцияларни жойлаштириши шарт, шунингдек имтиёзли акцияларни жойлаштиришга ҳақли. Банкнинг барча акциялари эгаси ёзилган, эмиссион қимматли қоғозлардир.

Банкнинг барча турдаги акциялари 950 (тўқиз юз эллик) сўмни ташкил этадиган номинал қийматга эга.

21. Банкнинг устав капитали 81 700 000 000 (саксон бир миллиард етти юз миллион) сўмни ташкил этади ва қўйидаги акцияларга тақсимланади:

эгасининг номи ёзилган оддий акциялар – номинал қиймати 950 (тўқиз юз эллик) сўм бўлган 86 000 000 (саксон олти миллион) дона миқдорда.

22. Банк томонидан устав капиталини кўпайтириш мақсадида чиқарилиши эълон қилинган акцияларнинг суммаси 115 900 000 000 (бир юз ўн беш миллиард тўқиз юз миллион) сўмни ташкил этади, шу жумладан:

эгасининг номи ёзилган оддий акциялар – номинал қиймати 950 (тўқиз юз эллик) сўм бўлган 106 000 000 (бир юз олти миллион) дона миқдорда;

имтиёзли акциялар – номинал қиймати 950 (тўқиз юз эллик) сўм бўлган 16 000 000 (ўн олти миллион) дона миқдорда.

23. Банк акцияларини жойлаштиришда уларнинг ҳақини тўлаш фақат пул маблағлари билангина амалга оширилади. Жойлаштирилган имтиёзли акциянинг номинал қиймати банк устав капиталининг 20 (йигирма) фоизидан ошмаслиги керак.

24. Банкнинг устав капитали акциялари номинал қийматини ошириш ёки қўшимча акцияларни жойлаштириш йўли билан кўпайтирилиши мумкин.

25. Банк устав капиталини қўшимча акциялар жойлаштириш йўли билан кўпайтириш ва Банк уставига тегишли ўзгартиришлар киритиш, шунингдек эълон қилинган акцияларнинг энг кўп миқдорини белгилаш ҳақидаги қарор Акциядорларнинг умумий йиғилиши томонидан қабул қилинади.

Қўшимча акциялар эълон қилинган банк уставида белгиланган акцияларнинг сони доирасидагина банк томонидан жойлаштирилиши мумкин.

Банкнинг устав капиталини қўшимча акцияларни жойлаштириш йўли билан кўпайтириш тўғрисидаги қарорда жойлаштириладиган қўшимча оддий акциялар ёки имтиёзли акцияларнинг сони, уларни жойлаштириш муддатлари ва шартлари, шунингдек қонун хужжатларига асосан жойлаштирилган акцияларни сотиб олишда имтиёзли хукуқقا эга бўлган акциядорлар учун қўшимча акцияларнинг жойлаштириш нархи белгиланган бўлиши керак.

Ўзбекистон Республикасининг амалдаги қонун хужжатларида белгиланган тартибда банкнинг имтиёзли акцияларини оддий акцияларга айирбошлаш мумкин.

Агар банк томонидан акциялар ва қимматли қоғозлар жойлаштирилса, банкнинг овоз берувчи акциялари эгаси бўлмиш акциядорлар бундай қимматли қоғозларни ўзлари эга бўлган овоз берувчи акциялар сонига мутаносиб миқдорда, шу жумладан Акциядорларнинг умумий йиғилишида қарши овоз берган ёхуд унда иштирок этмаган акциядор акцияларни ва акцияларга айирбошланадиган эмиссиявий қимматли қоғозларни

ўзига тегишли шу турдаги акциялар миқдорига мутаносиб миқдорда имтиёзли сотиб олиш хукуқига эга.

Банк устав капиталини құшымча акциялар жойлаштириш йўли билан кўпайтириш жойлаштирилган құшымча акцияларнинг номинал қиймати миқдорида қайд этилади. Бунда эълон қилингандан муддати тоифа ва турдаги акцияларнинг миқдори жойлаштирилган ана шу тоифа ва турлардаги акцияларнинг сонига қисқартирилади.

Банк устав капиталини құшымча акцияларни жойлаштириш йўли билан кўпайтириш қонунчиликда белгиланғандан тартибда, жалб қилингандан инвестициялар, банкнинг ўз капитали ва хисобланғандар дивидендлар ҳисобидан амалга оширилиши мумкин.

Банк устав капиталини унинг ўз капитали ҳисобидан құшымча акцияларни жойлаштириш йўли билан кўпайтиришда бу акциялар барча акциядорлар ўртасида тақсимланади. Бунда ҳар бир акциядорга қайси турдаги акциялар тегишли бўлса, айни ўша турдаги акциялар унга тегишли акциялар сонига мутаносиб равишда тақсимланади. Банк устав капитали кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, банк устав капиталини кўпайтиришга йўл кўйилмайди.

26. Банкнинг устав капиталини акцияларнинг номинал қийматини ошириш йўли билан кўпайтириш ва Банк уставига тегишли ўзгартишлар киритиш тўғрисидаги қарор Акциядорларнинг умумий йиғилиши томонидан қабул қилинади. Устав капиталини акцияларнинг номинал қийматини ошириш йўли билан кўпайтириш қонун хужжатларида белгиланғандан тартибда фақат банкнинг ўз капитали ҳисобидан амалга оширилади.

27. Банкнинг устав капитали акцияларнинг номинал қийматини ёки уларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилған ҳолда банк томонидан акцияларни олиш йўли билан камайтирилиши мумкин.

Банк устав капиталини камайтиришга, агар бунинг натижасида унинг миқдори банк устав капиталининг Банк уставидаги тегишли ўзгартишларни давлат рўйхатидан ўтказиши санасида аниқланадиган, қонун хужжатларида белгиланғандан энг кам миқдоридан камайиб кетса, ҳақли эмас.

Устав капиталини камайтириш ҳамда Банк уставига тегишли ўзгартишлар киритиш тўғрисидаги қарор Акциядорларнинг умумий йиғилиши томонидан қабул қилинади. Устав капиталини камайтириш тўғрисида қарор қабул қилған вақтда Акциядорларнинг умумий йиғилиши капитални камайтириш сабабларини кўрсатади ва уни камайтириш тартибини белгилайди.

28. Банк ўзи чиқараётган акцияларга уларни оммавий жойлаштириш йўли билан қонун хужжатлари талабларини ҳисобга олган ҳолда очиқ обуна ўтказишга ёки уларни хусусий жойлаштириш йўли билан ёпиқ обуна ўтказишга ҳақли.

Жойлаштирилаётган акцияларнинг сони акцияларни чиқариш тўғрисидаги қарорда кўрсатилған миқдордан кўп бўлмаслиги лозим.

Банк томонидан құшымча акцияларини ва бошқа эмиссиявий қимматли қоғозларини жойлаштириш муддати уларнинг чиқарилиши давлат рўйхатидан ўтказилған пайтдан бошлаб бир йилдан ошмаслиги керак.

Банк томонидан акцияларни ва акцияларга айирбошланадиган қимматли қоғозларни жойлаштириш усууллари (очиқ ёки ёпиқ обуна) Акциядорлар умумий йиғилишининг қарори билан белгиланади. Банк акцияларини ва акцияларга айирбошланадиган қимматли қоғозларни жойлаштириш услуги тўғрисида кўрсатма бўлмаса, жойлаштириш фақатгина очиқ обуна воситасида амалга оширилиши мумкин.

## **IV. БАНКНИНГ ҲУҚУҚ ВА МАЖБУРИЯТЛАРИ**

29. Банк операцияларини юритиш билан боғлиқ қарорларни қабул қилишда банк мустақилдир.

30. Банк қуидаги ҳуқуқларга эга:

омонатлар ва бериладиган кредитлар бўйича фоиз ставкаларини мустақил белгилаш;  
шартнома асосида депозит ва кредитлар шаклида бошқа банкларнинг маблағларини жалб қилиш ҳамда маблағларни бошқа банкларда жойлаштириш;  
ташкил этиладиган ҳисоб-китоб маркази ва вакиллик ҳисобвараклари орқали ҳисоб-китобларни амалга ошириш;  
банк операциялари бўйича воситачилик тўловлари миқдорини мустақил белгилаш;  
банк барча солиқ ва мажбурий тўловларни тўлаганидан кейин тасарруфида қоладиган соф фойда ҳисобидан захиралар ва фондларни ташкил қилиш;  
лицензияда ва Банк уставида назарда тутилган, ўз молия-хўжалик фаолиятини амалга ошириш учун зарур бўлган бошқа хатти-ҳаракатлар ва операцияларни амалга ошириш.

31. Банк қуидагиларга мажбур:

маблағларни Марказий банкда захирага қўйиш ва белгиланган иқтисодий нормативларга риоя қилиш бўйича Марказий банк томонидан белгиланган талабларни бажариш;

кредит ва лизинг операциялари бўйича эҳтимолий заарларни қоплаш учун Марказий банк томонидан белгиланган тартиб ва миқдорларда захиралар ташкил этиш;

Марказий банк топшириғига мувофиқ Ўзбекистон Республикаси давлат бюджетининг касса ижроси бўйича операцияларни амалга ошириш;

гаров (шу жумладан мол-мулк шаклидаги), бериладиган кафолатлар, кафиллеклар ва мажбуриятларнинг етарлилигини ҳисобга олган ҳолда бериладиган кредитлар таъминланишининг локал тартибини белгилаш;

ўз фаолияти тўғрисидаги ахборотни қонун ҳужжатларида белгиланган тартибда ошкор этиш;

банкда ички аудит хизмати мавжуд бўлишини таъминлаш;

ўз мижоз ва вакилларининг операциялар, ҳисобвараклари ҳамда омонатлари бўйича маҳфийликни таъминлаш.

32. Банк ўз мижози ва вакилларининг операциялари, ҳисобвараклари ҳамда омонатлари бўйича сирини кафолатлайди. Банк сирини ташкил этувчи маълумотлар мижознинг (вакилнинг) ўзига, мижоз томонидан ваколат берилган вакилга ва қонун ҳужжатларида белгиланган тартибда бошқа шахсларга берилади.

## **V. БАНК АКЦИЯДОРЛАРИ**

33. Юридик ва жисмоний шахслар, шунингдек Ўзбекистон Республикасининг норезидентлари ҳам, банк акциядорлари бўлиши мумкин. Бунда хорижий инвесторнинг улуши банк устав капиталининг 15 фоизидан кам бўлмаслиги керак.

33.1. Акциядорлар:

банкнинг акциядорлари реестрига киритилиш;

депозитарийдаги депо ҳисобварагидан ўзига таалкуқли кўчирма олиш;

банк фойдасининг бир кисмини дивиденdlар тарзида олиш;

банк тугатилган тақдирда ўзига тегишли улушга мувофиқ мол-мулкнинг бир кисмини олиш;

Акциядорларнинг умумий йиғилишларида овоз бериш орқали банкни бошқаришда иштирок этиш;

белгиланган тартибда банкнинг молиявий-хўжалик фаолияти натижалари тўғрисида тўлиқ ва ишончли ахборот олиш;

олган дивидендини эркин тасарруф этиш;

қонун ҳужжатларида белгиланган тартибда банкдан унга тегишли бўлган акцияларнинг ҳаммаси ёки бир қисмини сотиб олишини талаб қилиш;

қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;

ўзига етказилган заарнинг ўрни қопланишини белгиланган тартибда талаб қилиш;

ўз манфаатларини ифодалаш ва ҳимоя қилиш мақсадида уюшмалар ва бошқа нодавлат нотижорат ташкилотларига бирлашиш;

банк акцияларини олишда зарар қўриш, шу жумладан бой берилган фойда эҳтимоли билан боғлиқ таваккалчиликни сугурта қилиш ҳуқуқига эга.

Акциядорлар қонун ҳужжатларида ва ушбу Уставда мувофиқ бошқа ҳуқуқларга ҳам эга бўлади.

Акциядор томонидан ҳуқуқларнинг амалга оширилиши бошқа акциядорларнинг ҳуқуқлари ва қонун билан қўриқланадиган манфаатларини бузмаслиги лозим.

#### 34. Акциядор қўйидагиларга мажбур:

ўз акцияларига бўлган ҳуқуқларини ҳисобга олиш бўйича хизматлар кўрсатувчи депозитарийни ўзига оид маълумотлардаги ўзгаришлар ҳақида ўз вақтида хабардор қилиш;

банк сирини ташкил этувчи ахборотни ошкор этмаслик.

Ўзбекистон Республикасининг амалдаги қонун ҳужжатлари ва ушбу Уставда назарда тутилган бошқа мажбуриятларни бажариш.

### **VI. БАНКНИНГ СОФ ФОЙДАСИНИ ТАҚСИМЛАШ. ДИВИДЕНДЛАР.**

35. Дивиденд банк соф фойдасининг акциядорлар ўртасида тақсимланадиган қисмидир.

Дивиденд Акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд банкнинг қимматли қоғозлари билан тўланиши мумкин.

Банкнинг имтиёзли акциялари бўйича дивидендерларни қимматли қоғозлар билан тўлашга йўл қўйилмайди.

#### 36. Банк:

Банк устав капиталининг ҳаммаси унинг таъсис этилиши чоғида тўлиқ тўлаб бўйингунига қадар;

агар дивидендерлар тўланадиган пайтда банкда банкротлик белгилари мавжуд бўлса ёки банкда шундай белгилар дивидендерларни тўлаш натижасида пайдо бўлса;

агар банк соф активларининг қиймати унинг устав капитали ва захира фондлари суммасидан кам бўлса, акциялар бўйича дивидендерлар тўлаш тўғрисида қарор қабул қилишга ҳамда дивидендерлар тўлашга ҳақли эмас.

Ушбу ҳолатлар тутатилгач, банк ҳисобланган дивидендерларни акциядорларга тўлаши шарт.

37. Банк молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендерлар тўлаш тўғрисида қарор қабул қилишга ҳақлидир.

Банкнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугаганидан сўнг уч ой ичida қабул қилиниши мумкин.

Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Банк кенгашининг тавсияси, молиявий ҳисоботнинг ишончлилиги ҳакида аудиторлик хуносаси мавжуд бўлган тақдирда, молиявий ҳисобот маълумотлари асосида Акциядорларнинг умумий йиғилиши томонидан қабул қилинади. Дивидендларнинг миқдори Банк кенгаши томонидан тавсия этилган миқдордан кўп бўлиши мумкин эмас.

38. Банк акцияларнинг ҳар бир тури бўйича эълон қилинган дивидендларни тўлаши шарт. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

Дивидендлар банк тасарруфида қоладиган соф фойдадан ва (ёки) ўтган йилларнинг тақсимланмаган фойдасидан тўланади.

Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

Дивидендларни тўлаш муддати шундай қарор қабул қилинган кундан эътиборан 60 кундан кеч бўлмаслиги лозим.

Дивидендларни тўлаш чоғида биринчи навбатда имтиёзли акциялар бўйича тўланади.

Имтиёзли акциялар бўйича дивидендлар акциялар номинал қийматининг 30 фоизи миқдорда тўланади.

Банк етарли миқдорда фойдага эга бўлмаган ёки зарар кўриб ишлаётган тақдирда, имтиёзли акциялар бўйича дивидендлар банк томонидан банкнинг захира фонди ҳисобидан ва ушбу фонд доирасида тўланиши мумкин.

Ваколатли давлат органининг тақиқи туфайли имтиёзли акциялар бўйича уставда белгиланган миқдорда тўланмаган ёки тўлиқ тўланмаган, дивидендлар жамғариб борилади ва кейинчалик тўланади.

39. Акциядорларга дивидендларни тўлаш тўғрисида қарор қабул қилинган Акциядорларнинг умумий йиғилишини ўtkазиш учун шакллантирилган банк акциядорларининг реестрида қайд этилган шахслар акциялар бўйича дивиденд олиш хукуқига эга.

Банк акциядорларининг реестри, Акциядорларнинг умумий йиғилиши ўtkазиладиган санадан 3 иш куни олдин шакллантирилади.

40. Банк дивидендларнинг миқдорини улардан ундириладиган солиқларни инобатта олмаган ҳолда эълон қиласи. Банк тўланадиган дивидендлар миқдори тўғрисидаги маълумотларни қимматли қофозлар бозорини тартибга солиш бўйича ваколатли давлат органининг ва банкнинг расмий веб-сайтларида қонун ҳужжатларида белгиланган муддатларда эълон қиласи.

41. Банк захира фондини банк устав капиталининг 15 фоизи миқдорида ташкил этади.

Банкнинг захира фонди ушбу Уставида белгиланган миқдорга етгунига қадар банк соф фойдасининг беш фоизи миқдорида ҳар йилги мажбурий ажратмалар орқали шакллантирилади.

42. Бошқа маблағлар мавжуд бўлмаган тақдирда банкнинг захира фонди банк заарлари ўрнини қоплаш, банк корпоратив облигацияларини муомаладан чиқариш,

имтиёзли акциялар бўйича дивидентлар ва банк акцияларини қайтариб сотиб олиш учун мўлжалланади.

43. Банк махсус Имтиёзли кредитлаш жамғармасини тузади. Имтиёзли кредитлаш жамғармасига ажратмалар миқдори ҳар чорақда Банк кенгаши томонидан Ўзбекистон Республикаси Марказий банки билан келишилган ҳолда белгиланади ва кейинчалик Акциядорларнинг йиллик умумий йиғилишига тасдиқлаш учун киритилади.

Акциядорларнинг умумий йиғилиши қарори бўйича бошқа фондларни ташкил этиш мумкин. Банк фондлари маблағларидан фойдаланиш, Акциядорларнинг умумий йиғилиши томонидан тасдиқланган тегишли фондлар тўғрисидаги низомларга мувофиқ Банк кенгаши қарори бўйича амалга оширилади.

## VII. БАНКНИ БОШҚАРИШ

44. Куйидагилар банкнинг бошқарув органлари хисобланади:  
Акциядорларнинг умумий йиғилиши;  
Банк кенгаши;  
Банк бошқаруви.

Банк кенгаши ва Банк бошқаруви Банк устави, Акциядорларнинг умумий йиғилиши қарорлари ва Ўзбекистон Республикасининг амалдаги қонун ҳужжатларида берилган ваколатлар доирасида банк фаолиятига раҳбарлик қиласи.

### Акциядорларнинг умумий йиғилиши

45. Акциядорларнинг умумий йиғилиши банкнинг юқори бошқарув органидир.

46. Акциядорлар умумий йиғилишининг ваколат доирасига қуйидагилар киради:

46.1. Банк уставига ўзgartариш ва қўшимчалар киритиш ёки Банкнинг янги таҳрирдаги уставини тасдиқлаш;

46.2. банкни қайта ташкил этиш;

46.3. банкни тугатиш, тугатиш комиссиясини тайинлаш ҳамда оралиқ ва якуний тугатиш балансларини тасдиқлаш;

46.4. Банк кенгашининг сон таркибини белгилаш, унинг аъзоларини сайлаш ва аъзоларнинг ваколатларини муддатидан илгари тугатиш;

46.5. Миноритар акциядорлар қўмитасини тузиш ва сон таркибини белгилаш, унинг аъзоларини сайлаш ва аъзоларнинг ваколатларини муддатидан илгари тугатиш;

46.6. эълон қилинган акцияларнинг энг кўп миқдорини белгилаш;

46.7. банк устав капиталини кўпайтириш;

46.8. банк устав капиталини камайтириш;

46.9. қонун ҳужжатларида белгиланган тартибда ва ҳолларда, Марказий банк билан келишувга асосан ўз акцияларини олиш;

46.10. банк ташкилий тузилмасини тасдиқлаш;

46.11. аудиторлик ташкилотини ва унинг хизматига тўланадиган ҳақ миқдори чегарасини белгилаш;

46.12. Банк кенгаши томонидан тайинланган Банк бошқаруви раисини тасдиқлаш;

46.13. Банк тафтиш комиссияси аъзоларини сайлаш ва уларнинг ваколатларини муддатидан олдин тугатиш;

46.14. Акциядорларнинг умумий йиғилиши, Миноритар акциядорлар қўмитаси, Банк кенгаши, Банк бошқаруви ва Банк тафтиш комиссияси, шунингдек, Банк кенгаши аъзоларига ҳақ тўлаш тартиби тўғрисидаги низомларни тасдиқлаш, шунингдек уларга кўшимча ва ўзgartаришлар киритиш;

46.15. банкнинг йиллик хисоботини, шунингдек банк фаолиятининг асосий йўналишлари ва мақсадидан келиб чиқсан ҳолда банкни ўрта муддатга ва узок муддатга ривожлантиришнинг аниқ муддатлари белгиланган стратегиясини тасдиқлаш;

46.16. банкнинг фойда ва заарларини тақсимлаш;

46.17. Банк кенгаши ва Банк тафтиш комиссиясининг ўз ваколат доирасига кирадиган масалалар юзасидан, шу жумладан банкни бошқаришга доир қонун хужжатларида белгиланган талабларга риоя этилиши юзасидан Банк кенгашининг хисоботларини ва Банк тафтиш комиссиясининг холосаларини эшлиш;

46.18. Банк томонидан акцияларга айирбошланадиган корпоратив облигациялар чиқариш тўғрисида қарор қабул қилиш;

46.19. қимматли қоғозларнинг ҳосилаларини чиқариш тўғрисида қарор қабул қилиш;

46.20. акцияларни ва акцияларга айирбошланадиган эмиссиявий қимматли қоғозларни сотиб олишда, қонунчиликда белгиланган имтиёзли ҳукуқни қўлламаслик тўғрисидаги қарор қабул қилиш;

46.21. қонун хужжатларида белгиланган ҳолларда банк билан алоқадор бўлган (аффилланган) шахслар билан битим тузиш тўғрисида қарор қабул қилиш;

46.22. Акциядорларнинг умумий йиғилиши регламентини тасдиқлаш;

46.23. акцияларни майдалаш ва йириклиштириш;

46.24. баланс қиймати ёки олиш қиймати битим тузиш тўғрисида қарор қабул қилинаётган санада банк соф активлари миқдорининг эллик фоизидан ортиғини ташкил этувчи мол-мулк хусусида йирик битим тузиш тўғрисидаги ҳисоботлари ва бошқа хужжатлари кўриб чиқлади.

46.25. Банк Кенгаши ва Бошқарувининг банкни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисоботлари ва бошқа хужжатлари кўриб чиқлади.

46.26. Ўзбекистон Республикаси қонун хужжатлари, ушбу Уставида ва Акциядорларнинг умумий йиғилиши тўғрисидаги Низомда назарда тутилган бошқа масалаларни ҳал қилиш кўрсатилган бошқа масалаларни ҳал этиш.

47. Банк уставининг 46-банди **46.1., 46.2., 46.3., 46.6., 46.17., 46.21., 46.24.** кичик бандларида кўрсатилган масалалар бўйича қарор Акциядорларнинг умумий йиғилиши томонидан Акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч кисмидан иборат кўпчилик (малакали кўпчилик) овози билан қабул қилинади.

48. Акциядорларнинг умумий йиғилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартиришлар киритишга хақли эмас.

49. Банк ҳар йили Акциядорларнинг умумий йиғилишини (Акциядорларнинг йиллик умумий йиғилишини) ўтказиши шарт. Акциядорларнинг йиллик умумий йиғилиши ҳар йили молия йили тугагандан кейин 6 (олти) ойдан кечиктирмай ўтказилади.

50. Акциядорларнинг умумий йиғилишида иштирок этиш ҳукуқига Акциядорларнинг умумий йиғилишини ўтказиши санасидан 3 иш куни олдин шакллантириладиган банк акциядорларининг реестрида қайд этилган акциядорлар эга бўлади.

51. Акциядорларнинг умумий йиғилишини ўтказиш тўғрисидаги хабар Акциядорларнинг умумий йиғилиши ўтказиладиган санадан камида етти кундан кечиктирмай, лекин узоғи билан ўттиз кун олдин банкнинг расмий веб-сайтида, оммавий

ахборот воситаларида эълон қилинади, шунингдек акциядорларга электрон почта орқали юборилади.

52. Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши лозим бўлган ахборотга (материалларга) банкнинг йиллик ҳисботи, банкнинг йиллик молиявий-хўжалик фаолиятини текшириш натижалари юзасидан Банк тафтиш комиссиясининг ва аудиторлик ташкилотининг хulosаси, Банк кенгашининг Банк бошқаруви раиси билан тузилган шартноманинг амал қилиш мuddатини узайтириш, шартномани қайта тузиш ёки бекор қилиш мумкинлиги тўғрисидаги хulosаси, шунингдек Банк кенгashi ва Банк тафтиш комиссияси ҳамда Миноритар акциядорлар қўмитаси аъзолигига номзодлар тўғрисидаги маълумотлар, Банк уставига киритиладиган ўзгартириш ва қўшимчалар лойиҳаси ёки банкнинг янги таҳрирдаги устави лойиҳаси киради.

53. Банк овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) банкнинг молия йили тугаганидан кейин ўттиз кундан кечиктирмай, Акциядорларнинг йиллик умумий йиғилиши кун тартибига масалалар киритишга ҳамда Банк кенгashi, Банк тафтиш комиссияси бу органнинг миқдор таркибидан ошмайдиган тарзда номзодлар кўрсатишга ҳақли.

Акциядорлар (акциядор) Банк кенгashi ва Банк тафтиш комиссиясига ўзлари кўрсатган номзодлар рўйхатига Акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади.

Банк кенгашига ва Банк тафтиш комиссиясига номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод банк акциядори бўлса), шунингдек номзодни кўрсатаётган акциядорларнинг исми-шарифи (номи), уларга тегишли акцияларнинг сони ва тури кўрсатилади.

Банк кенгashi тушган таклифларни ўн кундан кечиктирмай уларни Акциядорларнинг умумий йиғилиши кун тартибига киритиш тўғрисида ёки мазкур кун тартибига киритишни рад этиш ҳақида қарор қабул қилиши шарт. Акциядорлар (акциядор) томонидан киритилган масала Акциядорлар умумий йиғилишининг кун тартибига, худди шунингдек кўрсатилган номзодлар Банк кенгашига ва Банк тафтиш комиссиясига сайлов бўйича овоз бериш учун номзодлар рўйхатига киритилиши керак, қуйидаги ҳоллар бундан мустасно:

ушбу банднинг биринчи қисмida белгиланган мuddатга акциядорлар (акциядор) томонидан риоя этилмаган бўлса;

акциядорлар (акциядор) ушбу банднинг биринчи қисмida назарда тутилган миқдордаги овоз берувчи акцияларининг эгаси бўлмаса;

ушбу банднинг учинчи қисмida назарда тутилган маълумотлар тўлиқ бўлмаса;

таклифлар ушбу Уставнинг ёки Ўзбекистон Республикасининг “Акциядорлик жамиятлари ва акциядорларнинг хуқуқларини ҳимоя қилиш тўғрисида”ги қонуни (янги таҳрирда) талабларига мувофиқ бўлмаса.

Банк кенгашининг масалани Акциядорлар умумий йиғилишининг кун тартибига ёки номзодни Банк кенгашига ва Банк тафтиш комиссиясига сайлов бўйича овоз бериш учун номзодлар рўйхатига киритишни рад этиш тўғрисидаги асослантирилган қарори масалани киритган ёки таклиф тақдим этган акциядорларга (акциядорга) қарор қабул қилинган кундан эътиборан уч иш кунидан кечиктирмай юборилади.

Банк кенгашининг масалани Акциядорлар умумий йиғилишининг кун тартибига ёки номзодни Банк кенгашига ва Банк тафтиш комиссиясига сайлов бўйича овоз бериш учун номзодлар рўйхатига киритишни рад этиш тўғрисидаги қарори устидан судга шикоят қилиниши мумкин.

54. Акциядорларнинг навбатдан ташқари умумий йиғилиши Банк кенгашининг қарорига кўра унинг ўз ташаббуси асосида, Банк тафтиш комиссиясининг ёзма талаби, шунингдек талаб тақдим этилган санада банк овоз берувчи акцияларининг камидা беш фоизига эгалик қилувчи акциядорнинг (акциядорларнинг) ёзма талаби асосида ўтказилади.

55. Акциядорларнинг умумий йиғилишида иштирок этиш ҳуқуки шахсан акциядор томонидан ёки унинг вакили орқали амалга оширилади. Акциядор Акциядорларнинг умумий йиғилишидаги ўз вакилини исталган вақтда алмаштиришга ёки йиғилишда шахсан ўзи иштирок этишга ҳақлидир.

56. Акциядорнинг вакили Акциядорларнинг умумий йиғилишида ёзма шаклда тузилган ишончнома асосида иш юритади. Овоз беришга доир ишончномада ваколат берган ва вакил қилинган шахс тўғрисидаги маълумотлар (исми-шарифи ёки номи, яшаш жойи ёки жойлашган ери, паспортига оид маълумотлар) бўлиши лозим. Жисмоний шахс номидан берилган овоз беришга доир ишончнома нотариал тартибда тасдиқланган бўлиши керак. Юридик шахс номидан овоз беришга доир ишончнома унинг раҳбарининг имзоси ва ушбу юридик шахснинг муҳри билан тасдиқланган ҳолда берилади.

57. Агар Акциядорларнинг умумий йиғилишида иштирок этиш учун рўйхатдан ўтказиш тугалланган пайтдан, банкнинг жойлаштирилган овоз берувчи акцияларининг жами эллик фоизидан кўпига эга бўлган акциядорлар (уларнинг вакиллари) рўйхатдан ўтган бўлса, Акциядорларнинг умумий йиғилиши ваколатли (кворумга эга) бўлади.

Акциядорларнинг умумий йиғилишини ўтказиш учун кворум бўлмаса, Акциядорларнинг тақорорий умумий йиғилишини ўтказиш санаси зълон қилинади. Акциядорларнинг тақорорий умумий йиғилишини ўтказишда кун тартибини ўзгартиришга йўл кўйилмайди.

Агар акциядорларнинг ўтказилмай колган йиғилиши ўрнига чақирилган тақорорий умумий йиғилишида иштирок этиш учун рўйхатдан ўтказиш тугалланган пайтда банкнинг жойлаштирилган овоз берувчи акцияларининг жами кирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, Акциядорларнинг тақорорий умумий йиғилиши ваколатли бўлади.

58. Акциядорларнинг умумий йиғилишида кун тартиби масалалари бўйича овоз бериш овоз бериш бюллетенлари орқали амалга оширилади.

Овоз бериш бюллетенларининг шакли ва матни Банк кенгаши томонидан тасдиқланади, Акциядорларнинг навбатдан ташқари умумий йиғилиши Банк кенгаши томонидан чақирилмаган ҳоллар бундан мустасно. Овоз бериш бюллетени умумий йиғилишда иштирок этиш учун рўйхатдан ўтган акциядорга (унинг вакилига) берилади.

59. Банк кенгаши ёки Банк тафтиш комиссияси аъзосини сайлаш тўғрисидаги масала юзасидан овоз бериш ўтказилган тақдирда, овоз бериш бюллетенида номзод тўғрисидаги маълумотлар, унинг фамилияси, исми, отасининг исми кўрсатилиши лозим.

60. Саноқ комиссияси Акциядорларнинг умумий йиғилишида кворум бор ёки йўқлигини аниқлайди, умумий йиғилишда овоз бериш ҳуқуқларининг акциядорлар (уларнинг вакиллари) томонидан амалга оширилиши муносабати билан юзага келадиган

масалаларни тушунтиради, овозга қўйиладиган масалалар бўйича овоз бериш тартибини тушунтиради, овоз беришнинг белгиланган тартиби ва акциядорларнинг овоз беришда иштирок этиш ҳуқуқларини таъминлайди, овозларни санаб чиқади ва овоз бериш якунларини чиқаради, овоз бериш якунлари тўғрисида баённома тузади, овоз бериш бюллетенларини банкнинг архивига топширади.

61. Акциядорлар умумий йиғилишининг баённомаси Акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

62. Миноритар акциядорларнинг ҳуқуқлари ва қонуний манфаатларини ҳимоя қилиш мақсадида банкда уларнинг орасидан Миноритар акциядорларнинг қўмитаси ташкил этилиши мумкин.

Миноритар акциядорлар қўмитасининг таркибига номзодлар бўйича таклифлар банкка Банк кенгашига номзодлар бўйича таклифлар киритиш учун назарда тутилган тартибда ва муддатларда киритилади.

Миноритар акциядорлар қўмитасининг аъзоларини сайлашда Акциядорларнинг умумий йиғилишида ҳозир бўлган ва Банк кенгашига номзодлар кўрсатмаган ёхуд акциядорларнинг ўтказилаётган умумий йиғилишида Банк кенгашига номзодлари сайланмаган акциядорлар иштирок этади.

Миноритар акциядорлар қўмитасининг таркибига Банк бошқаруви раиси, Бошқарув аъзолари, шунингдек Банк кенгашига ва Банк тафтиш комиссиясига сайланган шахслар кириши мумкин эмас.

Миноритар акциядорлар қўмитасининг ваколатига қўйидагилар киради:

Акциядорларнинг умумий йиғилиши ёки Банк кенгаши кўриб чиқиши учун киритилаётган йирик битимлар ва аффилланган шахслар билан битимлар тузишга оид масалалар бўйича таклифлар тайёрлашда иштирок этиш;

миноритар акциядорларнинг ўз ҳуқуқлари ва қонуний манфаатларини ҳимоя қилиш билан боғлиқ мурожаатларини кўриб чиқиш;

қимматли қоғозлар бозорини тартибга солиш бўйича ваколатли давлат органига миноритар акциядорларнинг ҳуқуқлари ва қонуний манфаатларини ҳимоя қилиш тўғрисида мурожаатлар киритиш;

қонун ҳужжатларига ва Банк уставига мувофиқ бошқа масалаларни кўриб чиқиш.

Миноритар акциядорлар қўмитасининг қарорлари оддий кўпчилик овоз билан қабул қилинади. Миноритар акциядорлар қўмитасининг мажлислари унинг миқдор таркибига сайланган шахсларнинг камида тўртдан уч қисми ҳозир бўлганда ваколатлидир.

Миноритар акциядорлар қўмитаси 3 (уч) кишидан кам бўлмаган таркибда сайланади.

Миноритар акциядорларнинг қўмитаси қабул қилинган қарорлар тўғрисида ҳар йили Акциядорларнинг умумий йиғилишида ҳисобот беради.

Миноритар акциядорлар қўмитасининг раиси ушбу қўмита таркибидан миноритар акциядорлар қўмитасининг аъзолари томонидан кўпчилик овоз билан сайланади.

Миноритар акциядорлар қўмитасининг раиси Миноритар акциядорлар қўмитасининг ваколат доирасига киритилган барча масалалар бўйича банкнинг ҳужжатларидан фойдаланиш ҳуқуқига эга.

Миноритар акциядорлар қўмитасининг фаолият кўрсатиш тартиби қимматли қоғозлар бозорини тартибга солиш бўйича ваколатли давлат органи томонидан тасдиқланади.

Миноритар акциядорлар қўмитаси банкнинг хўжалик фаолиятига аралашибашга ҳақли эмас.

Миноритар акциядорлар қўмитасининг фаолиятига Банк кенгашининг ёки Банк бошқарувининг аралашибашвига йўл қўйилмайди.

## **Банк кенгаши**

63. Банк кенгаши банк фаолиятига умумий раҳбарликни амалга оширади, Ўзбекистон Республикасининг қонун ҳужжатлари ва ушбу Устав билан Акциядорлар умумий йиғилишининг ваколат доирасига киритилган масалаларни ҳал этиш бундан мустасно.

64. Банк кенгашининг ваколат доирасига қўйидагилар киради:

64.1. банкни стратегик бошқаришда акциядорлар, жумладан, миноритар акциядорлар ролини ошириш, ҳалқаро тажриба асосда замонавий корпоратив бошқарув услубларини жорий этиш, инвестиция, моддий-техник, молиявий ва меҳнат ресурсларидан фойдаланиш самарадорлигини ошириш асосида банк фаолиятининг устувор йўналишларини белгилаш, банкни ривожлантириш стратегиясига эришиш бўйича кўрилаётган чора-тадбирлар тўғрисида Банк бошқарувининг ҳисоботларни мунтазам равишда эшитиб бориш;

64.2. Акциядорларнинг йиллик ва навбатдан ташқари умумий йиғилишларини чақириш, қонун ҳужжатларида ва ушбу Уставда назарда тутилган ҳоллар бундан мустасно;

64.3. Акциядорлар умумий йиғилишнинг кун тартибини тайёрлаш;

64.4. Акциядорларнинг умумий йиғилиши ўтказиладиган сана, вақти ва жойини белгилаш;

64.5. Акциядорларнинг умумий йиғилиши ўтказилиши ҳақида хабар қилиш учун банк акциядорларининг реестрини шакллантириш санасини белгилаш;

64.6. банкни қайта ташкил қилиш ва тугатиш, Банк уставига ўзгартиришлар ва қўшимчалар киритиш ёки янги таҳрирдаги Банк уставини тасдиқлаш, аудиторлик текшируви ўтказиш; банкнинг йиллик ҳисботи, фойда ва заарлари тақсимланишини тасдиқлаш тўғрисидаги масалаларни кўриб чиқиш учун Акциядорларнинг умумий йиғилишига киритиш;

64.7. мол-мулкнинг бозор қийматини белгилашни ташкил этиш;

64.8. банкнинг сиёсалари ва йиллик бизнес-режасини тасдиқлаш, бунда банкнинг келгуси йилга мўлжалланган бизнес-режаси Банк кенгаши мажлисида жорий йилнинг 1 декабридан кечиктирмай тасдиқланиши лозим;

64.9. Марказий банк билан келишган ҳолда Банк бошқаруви раисини лавозимига тайинлаш, унинг ваколат муддатини узайтириш ёки муддатидан олдин тугатиш ва кейинчалик бу масалани тасдиқлаш учун Акциядорларнинг умумий йиғилишига киритиши. Қонунчиликда ва банк локал ҳужжатларида белгиланган тартибда, Банк бошқаруви раисини тайинлаш тўғрисидаги қарор, хорижий менежерлар ҳам иштирок этиши мумкин бўлган танлов асосида қабул қилиниши мумкин;

64.10. Банк бошқаруви аъзоларини лавозимига сайлаш (тайинлаш) ва уларнинг ваколатларини муддатидан илгари тугатиш;

64.11. Банк ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисботларини эшитиб бориш;

64.12. банкнинг тафтиш комиссияси аъзоларига тўланадиган ҳақ ва компенсацияларнинг миқдорлари юзасидан тавсиялар бериш;

64.13. дивиденд миқдори, уни тўлаш шакли ва тартиби юзасидан тавсиялар бериш;

64.14. банкнинг захира фондидан ва бошқа фондларидан фойдаланиш;

64.15. банк филиалларини ташкил қилиш ва ваколатхоналарини очиш;

64.16. шўъба ва тобе хўжалик жамиятларини ташкил этиш, қайта ташкил этиш ва тугатиш;

64.17. баланс қиймати ёки олиш қиймати битим тузиш тўғрисида қарор қабул қилинаётган санада банк соғ активлари миқдорининг ўн беш фоизидан эллик фоизигачасини ташкил этувчи мол-мулк хусусида йирик битим тузиш тўғрисидаги қарор

Банк кенгашининг аъзолари томонидан бир овоздан қабул қилинади. Йирик битим тузиш масаласи бўйича Банк кенгашининг яқдиллигига эришилмаган тақдирда йирик битим тузиш тўғрисидаги масала Банк кенгашининг қарорига кўра Акциядорларнинг умумий йигилиши ҳал қилиши учун олиб чиқилиши мумкин;

64.18. банкнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

64.19. корпоратив облигацияларини қайтариб сотиб олиш тўғрисида қарор қабул қилиш;

64.20. банк билан алоқадор бўлган (аффилланган) шахслар билан битим тузишга рухсат бериш, бундай битим тузиш тўғрисидаги қарор қонун ҳужжатлари ва ушбу Уставга муфовиқ Акциядорлар умумий йигилишининг ваколат доирасига киритилган ҳоллар бундан мустасно;

64.21. банк томонидан корпоратив облигациялар чиқариш тўғрисида қарор қабул қилиш;

64.22. банкнинг корпоратив облигацияларини қайтариб сотиб олиш тўғрисида қарор қабул қилиш;

64.23. акцияларни жойлаштириш (қимматли қоғозларнинг биржа бозорига ва юшган биржадан ташқари бозорига чиқариш) нархини қонун ҳужжатлари ва ушбу Уставга муфовиқ белгилаш;

64.24. Банк бошқаруви аъзоларига тўланадиган ҳақ ва (ёки) компенсацияларнинг миқдорларини белгилаш;

64.25. банкнинг таркибий тузилмалари ва филиаллари фаолият тартибини белгиловчи локал ҳужжатларни тасдиқлаш, қонун ҳужжатлари ва ушбу Уставга муфовиқ Акциядорларнинг умумий йигилиши ва Банк бошқаруви ваколатига таалуқли бўлган локал ҳужжатларни қабул қилиш (тасдиқлаш) бундан мустасно;

64.26. Банк бошқаруви фаолиятига дахлдор ҳар қандай ҳужжатдан эркин фойдаланиш ва Банк бошқаруви ёки унинг топшириги бўйича масъул шахслардан Банк кенгashi зиммасига юклатилган вазифаларни бажариш учун уларни олиш. Банк кенгashi ва унинг аъзолари олинган ҳужжатлардан фақат хизмат мақсадларида фойдаланиши мумкин;

64.27. банк қўмиталарини ташкил қилиш ва улар тўғрисидаги низомлар, шунингдек ички аудит ва ички назорат хизмати низомларини тасдиқлаш;

64.28. Қонун ҳужжатлари, ушбу Устав ва Банк кенгashi тўғрисидаги низом ва банкнинг бошқа локал ҳужжатларида назарда тутилган Банк кенгashi ваколатларига киритилган бошқа масалаларни ҳал қилиш.

Банк кенгashi ваколатларига киритилган масалалар ҳал қилиш Банк бошқарувига учун ўтказилиши мумкин эмас.

## 65. Банк кенгashi мажбуриятлари:

ўз ваколатларини банк акциядорлари манфаатларини кўзлаб иш тутиши;

банкка ваколатли раҳбарликни таъминлаш;

Банк бошқаруви билан маслаҳатлашиб банкнинг узоқ ва қисқа муддатли бизнес-режаларини ўрнатади;

банк тезкор фаолияти, кредитлар бериш ва маблағларни инвестицияларнинг тўғрилиги устидан жорий назоратни амалга ошириш (омонатчилар, кредиторлар ва акциядорлар манфаатларини ҳимоя қилиш мақсадида);

банкнинг етарли даражадаги капиталлашувини қўллаб-қувватлаш;

банк фаолияти стратегиясини шакллантириш;

банкнинг фойда кўриши мониторингини олиб бориш;

ички аудит хизмати фаолият кўрсатишини ташкил этиш;

банк мақсадларига эришиш ҳамда қонуний, хавфсиз ва самарали банк фаолиятини юритиш учун етарли сиёsatларни белгилаш;

ҳар чорақда банк фаолияти натижалари тўғрисидаги ҳисботларни эшлиши;  
банк операциялари учун мос назоратни таъминлаш ва уларни Ўзбекистон  
Республикаси қонун хужжатлари ва банк сиёсатларига мувофиқлиги устидан назоратни  
амалга ошириш;

корпоратив бошқариш бўйича қонун хужжатлари билан белгиланган талабларга  
риоя қилиниши тўғрисидаги ҳисботни йиллик Акциядорлар умумий йиғилишига тақдим  
этиш.

66. Банк кенгаши 5 кишидан иборат таркибда сайланади. Банк кенгаши аъзолари  
Акциядорларнинг умумий йиғилиши томонидан бир йилга муддатга сайланади. Банк  
кенгаши таркибига сайланган шахслар чекланмаган тарзда қайта сайланиши мумкин.

Банк бошқарувি аъзолари ва Бошқарув раиси, шунингдек банқда меҳнат шартномаси  
бўйича ишлаётган шахслар Банк кенгаши аъзоси бўлиши мумкин эмас.

Акциядорлардан ташқари олимлар ва банк соҳаси мутахассислари ҳам Банк кенгаши  
аъзоси бўлишлари мумкин.

67. Банк кенгаши аъзолари сайлови кумулятив овоз бериш орқали амалга  
оширилади.

Кумулятив овоз беришда ҳар бир акциядорга тегишли овозлар сони Банк кенгашига  
сайланиши лозим бўлган шахслар сонига кўпайтирилади ва акциядор шу тариқа олинган  
овозларни битта номзодга тўлиқ беришга ёки уларни икки ва ундан ортиқ номзодлар  
ўртасида тақсимлашга ҳақли.

Энг кўп овоз тўплаган номзодлар Банк кенгашининг таркибига сайланган деб  
хисобланади.

68. Банк кенгашининг раиси Банк кенгаши аъзоларининг умумий сонига нисбатан  
кўпчилик овоз билан Банк кенгаш таркибидан Банк кенгаши аъзолари томонидан  
сайланади.

69. Банк кенгашининг раиси унинг ишини ташкил этади, Банк кенгаши  
мажлислини чақиради ва уларда раислик қиласи, мажлислирида баённома  
юритилишини ташкил этади ҳамда Акциядорларнинг умумий йиғилишида раислик  
қиласи, банк номидан Бошқарув раисини ёллаш тўғрисидаги меҳнат шартномасини  
тузади.

Банк кенгашининг раиси бўлмаган тақдирда унинг вазифасини Банк кенгашининг  
аъзоларидан бири амалга оширади.

70. Банк кенгашининг мажлиси Банк кенгашининг раиси томонидан унинг ўз  
ташаббусига кўра, Банк кенгаши, Банк тафтиш комиссияси, Банк бошқаруви аъзосининг,  
шунингдек ички аудит хизмати раҳбари, ташқи аудити ва қонун хужжатларида  
белгиланган бошқа шахсларнинг талабига кўра чақирилади.

71. Банк кенгаши ҳар ой камидан бир марта чақирилади.

72. Банк кенгашининг мажлисини ўтказиш учун кворум Банк кенгашига сайланган  
аъзоларнинг 80 фоизидан кам бўлмаслиги керак.

Банк кенгаши аъзоларининг сони ушбу Уставда назарда тутилган миқдорнинг 80  
фоизидан кам бўлган тақдирда, Банк кенгашининг янги таркибини сайлаш учун  
Акциядорларнинг навбатдан ташқари умумий йиғилишини чақириши шарт. Банк  
кенгашининг қолган аъзолари акциядорларнинг бундай навбатдан ташқари умумий  
йиғилишини чақириш тўғрисида қарор қабул қилишга, шунингдек Банк бошқаруви

раиснинг ваколатлари муддатидан илгари тутатилган тақдирда, унинг вазифасини вақтинча бажарувчини тайинлашга ҳақлидир.

73. Банк кенгашининг мажлисида қарорлар мажлисда ҳозир бўлганларнинг кўпчилик овози билан қабул қилинади, қонун ҳужжатларида назарда тутилган ҳоллар мустасно.

Банк кенгаши қарорларини қабул қилишда овозлар teng бўлган тақдирда Банк кенгаши раиси ҳал қилувчи овоз ҳукуқига эга.

Банк кенгашининг бир аъзоси ўз овозини Банк кенгашининг бошқа аъзосига беришга йўл қўйилмайди.

74. Банк кенгашининг мажлисида баённома юритилади, у мажлис ўтказилганидан сўнг 10 кундан кечиктирмай тузилади.

Банк кенгаши мажлисининг баённомаси мажлисда иштирок этаётган Банк кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

Банк кенгашининг қарорлари сиртдан овоз бериш йўли билан (сўров йўли билан) Банк кенгашининг барча аъзолари томонидан бир овоздан қабул қилиниши мумкин.

Банк кенгаши мажлисининг баённомаси имзоланган куни Банк бошқарувига ижро этиш учун топширилади. Банк кенгаши Акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот Банк бошқарувига Банк кенгашининг мажлиси ўтказиладиган куни топширилади.

### **Банк бошқаруви**

75. Банк бошқаруви - унинг кундалик фаолиятига раҳбарлик қилувчи банк ижроия органи ҳисобланади. Бошқарувга раис раҳбарлик килади.

Банк бошқаруви қонун ҳужжатлари ва Банк уставига мувофиқ, Акциядорлар умумий йиғилиши ёки Банк кенгашининг ваколат доирасига киритилган масалалар бўйича қарорлар қабул қилишга ҳақли эмас.

Банк бошқаруви Банк кенгаши ва Акциядорлар умумий йиғилиши олдида ҳисобдордир.

76. Банк бошқаруви 7 кишидан иборатdir. Банк бошқаруви таркибига раис, унинг ўринбосарлари, бош бухгалтер ва банк юридик хизмати раҳбари киради. Банк бошқаруви таркибига шунингдек банкнинг асосий бўлинмалари раҳбарлари кириши мумкин.

77. Банк бошқарув раиси ўз лавозимига Марказий банк билан келишилган ҳолда Банк кенгашининг қарори билан бир йил муддатга тайинланади ва кейинчалик Акциядорлар умумий йиғилиши тасдиғига киритилади. Қонунчиликда ва банк локал ҳужжатларида белгиланган тартибда, Банк бошқаруви раисини тайинлаш тўғрисидаги қарор, хорижий менежерлар ҳам иштирок этиши мумкин бўлган танлов асосида қабул қилиниши мумкин.

Банк башқаруви аъзолари Банк кенгаши томонидан бир йил муддатга тайинланади. Банк бошқаруви аъзоларини тайинлаш чет эллик менежерлар ҳам иштирок этиши мумкин бўлган танлов асосида амалга оширилиши мумкин.

Бошқарув раиси ва Бошқарув аъзолари билан шартнома банк номидан Банк кенгашининг раиси ёки Банк кенгашининг ваколат берган шахси томонидан имзоланади.

78. Банк бошқарувининг ваколатига Ўзбекистон Республикасининг қонун ҳужжатлари, ушбу Устав ва банкнинг бошқа локал ҳужжатларига биноан Акциядорлар умумий йиғилишининг ёки Банк кенгашининг ваколат доирасига киритилган

масалалардан ташқари, банк фаолиятига кундалик раҳбарлик қилишга доир барча масалалар киради.

Банк бошқаруви:

78.1. Акциядорлар умумий йиғилишининг ва Банк кенгашиниң қарорларининг бажарилишини ташкил этади;

78.2. банкнинг таркибий тузилмалари ишини мувофиқлаштиради, халқаро тажрибани чуқур таҳлил қилиш асосда замонавий корпоратив бошқарув услубларини жорий этади, инвестиция, моддий-техник, молиявий ва меҳнат ресурсларидан фойдаланиш самарадорлигини оширади; банкка хорижий инвестицияларни кенг жалб қилиш учун қулай шароитлар яратади, етакчи хорижий таълим муассасалари билан ҳамкорлик асосида бошқарув ходимларини тайёрлаш ва уларнинг касб даражасини оширишни ташкил қиласи, шунингдек банкнинг раҳбарлик лавозимларига чет эллик юқори малакали менежерларни жалб қиласи;

78.3. Банк ички назорат ва ички аудит хизматлари тўғрисидаги низомлар ва Акциядорлар умумий йиғилиши ва Банк кенгаши томонидан тасдиқланадиган бошқа локал ҳужжатлардан ташқари банк таркибий бўлинмалари тўғрисидаги низом, тартиб, таомилларни тасдиқлади;

78.4. баланс қиймати ёки олиш қиймати битим тузиш тўғрисида қарор қабул қилинаётган санада банк соф активлари микдорининг ўн беш фоизигачани ташкил этувчи мол-мулк хусусида битим тузиш тўғрисида қарор қабул қиласи;

78.5. Банк бошқаруви ҳузуридаги кўмиталарни ташкил этади ва улар тўғрисидаги низомларни тасдиқлади;

78.6. банкнинг кундалик фаолиятидаги муҳим масалалар бўйича қарорлар қабул қиласи;

78.7. Банк ички аудити хизматининг текширув натижалари бўйича аниқланган камчиликлар ва қонун бузилишларни ҳар чоракда кўриб чиқади ва уларни бартараф қилиш чораларини кўради;

78.8. ташки аудит текшируви натижалари ва Марказий банк томонидан ўтказилган инспекция (текширув) хисоботларини батафсил таҳлил қиласи;

78.9. кредит, инвестиция, эмиссия сиёсатлари, банк ликвидлигини бошқариш сиёсатини қамраб олувчи банкни бошқариш учун сиёсатлар ишлаб чиқиш чоратадбирларини кўради;

78.10. қонун ҳужжатлари, ушбу Устав ва Банк бошқаруви тўғрисидаги Низом ва банкнинг бошқа локал ҳужжатларида назарда тутилган Банк бошқаруви ваколатига тааллуқли бўлган бошқа масалаларни ҳал қиласи.

79. Банк бошқаруви мажлиси, агар унда Банк бошқарувининг камида 5 аъзоси ҳозир бўлса, ваколатли ҳисобланади.

Қарорлар Банк бошқаруви мажлисида иштирок этувчиларнинг қўпчилик овози билан қабул қилинади. Овозлар тенг бўлган ҳолларда Банк бошқарув раисининг овози ҳал қилувчи овоз ҳисобланади.

Банк бошқаруви аъзоси Банк бошқаруви қарорига қўшилмаган ҳолларда Банк кенгашига ўз фикри тўғрисида хабар бериши мумкин.

80. Банк бошқаруви мажлисида баённома юритилади. Банк бошқаруви мажлисининг баённомаси Банк кенгаши ва Банк тафтиш комиссияси аъзоларининг талаби бўйича уларга тақдим қилинади.

Банк бошқаруви мажлисини ўтказилишини, банк номидан барча ҳужжатларга ва Банк бошқаруви мажлиси баённомасига имзо чекувчи Банк бошқаруви раиси ташкил қиласи, ўз ваколат доирасида Банк бошқаруви қабул қилган қарорларга мувофиқ банк номидан ишончномасиз иш юритади.

81. Банк кенгаши Банк бошқаруви раиси, Банк бошқаруви аъзолари билан тузилган шартномани, улар шартнома шартларини бузган тақдирда шунингдек Банк уставини қўпол тарзда бузса ёки уларнинг ҳаракатлари (ҳаракатсизлиги) туфайли банкка зарар етказилган бўлса, муддатидан илгари тугатиш (бекор қилиш) хукуқига эга.

82. Банк кенгаши томонидан Банк бошқаруви раисининг ваколатларини тугатиш тўғрисида қарор қабул қилинган тақдирда, Банк бошқаруви раисининг ваколатларини бошқа шахсга ўтказиш тўғрисидаги масала ўша йиғилишнинг ўзида ҳал этилиши ёхуд Банк бошқарувининг раиси вазифасини вақтинча бажарувчи шахсни тайинлаган ҳолда Акциядорларнинг яқин орадаги умумий йиғилишида кўриб чиқиш учун қолдирилиши мумкин.

83. Банк бошқаруви раисининг ваколатларини тугатиш тўғрисида қарор қабул қилган Банк кенгаши Банк бошқаруви раиси вазифасини вақтинча бажарувчи шахсни тайинлаш тўғрисида қарор қабул қиласди, шунингдек Банк бошқаруви раиси тўғрисидаги масалани ҳал этиш учун Акциядорларнинг навбатдан ташқари умумий йиғилишини чақиради.

84. Банк бошқаруви раиси:

Акциядорлар умумий йиғилишининг, Банк кенгашининг ва Банк бошқарувининг қарорлари ижросини таъминлайди;

банк номидан ишончномасиз иш юритади, бошқа ташкилотлар билан ўзаро муносабатларда унинг манфаатларини ифодалайди;

Ўзбекистон Республикаси қонун хужжатлари ва ушбу Уставда белгиланган доираларда мол-мулк ва пул маблағларини тасарруф этади;

банкнинг бош офиси ва филиаллари ташкилий тузилмасини тасдиқлади, банк қоидалари, иш тартиби ва бошқа локал хужжатларини тасдиқлади, Акциядорларнинг умумий йиғилиши, Банк кенгаши ва Банк бошқаруви томонидан тасдиқланадиган локал хужжатлар бундан мустасно;

Банк бошқаруви томонидан тасдиқланган локал хужжатларни имзолайди;

банк, филиаллар ва ваколатхоналарнинг штатларини тасдиқлади;

ишончномалар беради;

банкларда банкнинг вакиллик, валюта, ҳисоб-ракамлари ва бошқа ҳисоб-ракамларини очади;

бухгалтерлик ҳисоби ва ҳисоботини ташкил қиласди;

шартномалар ва бошқа битимлар тузади;

ходимларни, шу жумладан бўлинма, филиал ва ваколатхоналар раҳбарларини ишга қабул қиласди ва ишдан бўшатади;

банк ходимларини қонун хужжатларида ушбу Устав, Акциядорларнинг умумий йиғилиши ва Банк кенгаши томонидан белгиланган тартибда рағбатлантиради, шунингдек уларни интизомий ва моддий жавобгарликка торгади;

банк ходимларининг барчаси учун мажбурий бўлган буйруқлар чиқаради ва кўрсатмалар беради;

Акциядорларнинг умумий йиғилиши, Банк кенгаши ва Банк тафтиш комиссияси фаолиятини ташкилий техникавий таъминлашни амалга оширади;

Ўзбекистон Республикаси қонун хужжатлари ва ушбу Уставга мувофиқ банк фаолиятининг бошқа кундалик масалаларини ҳал қиласди.

## VIII. БАНК ҲИСОБИ ВА ҲИСОБОТИ

85. Банк Ўзбекистон Республикаси қонун хужжатларида белгиланган тартибда бухгалтерия ҳисобини юритиши ва молиявий ҳисбот тақдим этиши шарт.

86. Банкда бухгалтерия ҳисобининг ташкил этилиши, ҳолати ва ишончлилиги, тегишли органларга ҳар йилги ҳисобот ва бошқа молиявий ҳисоботлар, шунингдек банкнинг расмий веб-сайтида ва оммавий ахборот воситаларида акциядорларга, кредиторларга тақдим этиладиган банк фаолияти тўғрисидаги маълумотлар ўз вақтида тақдим этилиши учун жавобгарлик амалдаги қонун хужжатларига мувофиқ Банк бошкарувининг зиммасида бўлади.

87. Банкнинг молиявий ҳисоботида кўрсатилган ва Акциядорларнинг умумий йиғилишига тақдим этиладиган молиявий ҳисоботдаги, бухгалтерия балансидаги, фойда ва заарлар ҳисобварагидаги маълумотларнинг ишончлилиги мулкий манфаатлари банк ёки унинг акциядорлари билан боғлиқ бўлмаган аудиторлик ташкилоти (кейинги матнларда – мустақил аудиторлик ташкилоти) томонидан тасдиқланган бўлиши керак.

88. Банкнинг йиллик ҳисоботи Акциядорларнинг йиллик умумий йиғилиши ўтказиладиган санадан камида 30 кун олдин Банк кенгashi томонидан дастлабки тарзда тасдиқланиши лозим.

89. Банкнинг операцияларини бажарадиган йил 1 январда бошланади ва 31 декабрда тугайди.

## **IX. БАНКНИНГ МОЛИЯ-ХЎЖАЛИК ФАОЛИЯТИНИ НАЗОРАТ ҚИЛИШ**

90. Банкнинг молия-хўжалик фаолият устидан назоратни амалга ошириш учун Акциядорларнинг умумий йиғилиши томонидан 3 кишидан иборат таркибда Банк тафтиш комиссияси сайланади.

Банк тафтиш комиссияси Акциядорлар умумий йиғилишининг қарори бўйича қайта сайланиш хуқуқи билан бир йилга сайланади.

Тафтиш комиссияси аъзоларига доир малака талаблари Акциядорларнинг умумий йиғилиши томонидан белгиланади. Айни бир шахс Банкнинг тафтиш комиссияси таркибига кетма-кет уч мартадан ортиқ сайланishi мумкин эмас.

Банк тафтиш комиссиясининг аъзолари бир вақтнинг ўзида Банк кенгашининг аъзоси бўлиши, шунингдек банкда меҳнати шартномаси бўйича ишлаши мумкин эмас.

91. Банк тафтиш комиссиясининг ваколати ва фаолияти тартиби қонун хужжатлари, ушбу Устав ва Акциядорларнинг умумий йиғилишида тасдиқлаган Банк тафтиш комиссияси тўғрисидаги низомда белгиланади.

92. Банкнинг молия-хўжалик фаолиятини текшириш Тафтиш комиссиясининг, Акциядорлар умумий йиғилишининг, Банк кенгашининг ташаббусига кўра ёки банк овоз берувчи акциярининг камида беш фоизига эгалик қилувчи акциядорнинг (акциядорларнинг) талабига кўра Банк кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

93. Банк тафтиш комиссияси банк фаолиятини тартибга солувчи норматив ҳуқукий хужжатларга риоя қилиниши, банк ички назорати ўрнатилиши, банк томонидан йил давомида (ялпи ёки танлаб текшириш) ўтказилган кредит, ҳисоб-китоб ва бошқа операциялари, касса ва мол-мулкнинг холатини текширади.

94. Банкнинг молия-хўжалик фаолиятини текшириш якунларига кўра Банк тафтиш комиссияси хулоса тузади, бу хулосада:

ҳисоботларда ва банкнинг бошқа молия хужжатларида кўрсатилган маълумотларнинг ишончлилигига доир баҳо;

бухгалтерия ҳисобини юритиш ва молиявий ҳисоботини тақдим этиш тартиби бузилганлиги, шунингдек молия-хўжалик фаолиятини амалга оширилаётганда қонун ҳужжатлари бузилганлиги фактлари тўғрисида ахборот кўрсатилиши шарт.

95. Тафтиш комиссияси банкда аффилланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва банк ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда Банк кенгашининг мажлисига олиб чиқади.

96. Банк тафтиш комиссияси Ўзбекистон Республикаси қонун ҳужжатлари ва ушбу Уставга мувофиқ навбатдан ташқари Акциядорларнинг умумий йиғилишини чақириш хукуқига эга.

97. Ички аудит хизмати Банк бошқаруви, филиаллари ва ваколатхоналари томонидан қонун ҳужжатларига, Банк уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сакланишини, шунингдек банкни бошқариш юзасидан қонун ҳужжатларида белгиланган талабларга риоя этилишини текшириш ва бу борада мониторинг олиб бориш орқали уларнинг ишини назорат қиласи ҳамда баҳолайди.

98. Ички аудит хизмати Банк кенгashi олдида ҳисобдордир.

99. Банк аудити мустақил аудиторлик ташкилотлари томонидан ҳар йили олиб борилади. Аудиторлик ташкилоти банк билан тузилган шартномага мувофиқ қонун ҳужжатларида белгиланган тартибда банкнинг молия-хўжалик фаолиятини текширилишини амалга оширади ва унга аудиторлик хулосасини тақдим этади.

100. Аудиторлик ташкилоти банкнинг молиявий ҳисботи ва молияга доир бошқа ахборотлар ҳакида нотўғри хулосани ўз ичига олган аудиторлик хулосаси тузганлик оқибатида етказилган зарап учун банк олдида жавобгар бўлади.

101. Аудиторлик текширувларидан мақсад аудиторларнинг қўйидагилар билан боғлиқ холис фикрини олиш ҳисобланади:

банкнинг молиявий ҳисботлари ишончлилиги ва уларнинг миллий ва халқаро бухгалтерия ҳисоби стандартларига мувофиқлиги;

ички назорат тизимини ташкил қилиш ва ички назорат тартиб-таомилларига риоя этилиши;

банкнинг банк қонунчилигига ва Марказий банк меъёрий ҳужжатларига риоя этиши;

банклар билан ўзаро муносабатларида олиб борилган операциялари, унинг молиявий фаолияти, бухгалтерлик ҳисоби ва маъмурий назорат тизимининг тўғрилиги ва самарадорлиги.

## **Х. БАНКНИ ҚАЙТА ТАШКИЛ ҚИЛИШ ВА ТУГАТИШ**

102. Банкни қайта ташкил қилиш амалдаги қонун ҳужжатларига мувофиқ Акциядорларнинг умумий йиғилиши қарорига асосан, Марказий банк рухсати билан амалга оширилади.

Банкни қайта ташкил қилиш кўшиб юбориш, кўшиб олиш, бўлиш, ажратиб чиқариш ва ўзгартириш шаклларида амалга оширилиши мумкин.

Қайта ташкил қилишда банк таъсис ҳужжатларига тегишли ўзгартиришлар киритилади.

103. Банк ўз фаолиятини қуидаги ҳолларда тугатади:

Акциядорлар умумий йиғилишининг қарори бўлганда;

Марказий банк томонидан лицензия чақириб олинганда;

банкрот деб эълон қилинганда.

104. Банк тугатилаётганда барча кредитор ва омонатчилар талаблари инобатга олинади. Кредиторлар ва омонатчилар билан ҳисоб-китоб тугагандан кейин, банкнинг қолган мол-мулки тугатувчи томонидан қонун ҳужжатларида белгиланган тартибда акциядорлар ўртасида тақсимланади.

Имтиёзли акцияларни тугатилиш қиймати уларнинг номинал қийматининг 100 фоизига тенг.

105. Банк Марказий банк томонидан Банкларни рўйхатга олиш Давлат китобидан ўчирилган вақтдан бошлаб тугатилган ҳисобланади.

106. Марказий банк тугатилганлиги ҳақидаги тегишли ёзувни Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитаси хузуридаги Қимматли қофозлар бозори фаолиятини мувофиқлаштириш ва ривожлантириш маркази томонидан банк қимматли қофозларини Эмиссиявий қимматли қофозлар чиқарилишларининг ягона давлат реестридан чиқарилганидан кейингина киритади.

## **XI. БАНК УСТАВИГА ЎЗГАРТИРИШ ВА ҚЎШИМЧАЛАР КИРИТИШ**

107. Акциядорларнинг умумий йиғилиши қарори билан Банк уставига киритилган барча ўзгартириш ва қўшимчалар давлат рўйхатидан ўтказилиши лозим.

108. Банк уставига ўзгартириш ва қўшимчалар киритиш ёки Банк уставини янги таҳрирда қабул қилиш банкни рўйхатга олиш учун Ўзбекистон Республикаси қонун ҳужжатларида кўрсатилган тартибда давлат рўйхатидан ўтказилиши лозим.

109. Банк уставига ўзгартириш ва қўшимчалар киритиш ёки Банк уставини янги таҳрирда қабул қилиш учинчи шахслар учун Марказий банк томонидан давлат рўйхатидан ўтказилган вақтдан кучга киради.